

## Третьякова Нина Васильевна

Менам ичотик Мале грезд- ыджыд Коми Республикалөн юкөн.

(Эссе сяма мөвпалана гижөд)

Уральскöй гöра подулын шевкнитчöма миян Коми муным. Озыр жöник кодь сийö: вöр, газ, бокситгьяс, зарни, уна сикас звер-пöтка. Но нöшта на ыджыд озырлуныс татчöс местаяслөн - тайö асьныс республикаса олысьяс. Коми мортыд пыр торъявлöма аслас зильлунöн, пыдi вежөрöн, ас вынö ыджыд эскöмөн. И бокысь воём мортöс оз öтдорт: юктöдас и вердас, шойччöдас и медся колана гöсьтöс моз шоныд вольпасьын узьтöдас.

А кутшöм шензьöдана мичаöсь татчöс местаясыс. Паськыдöсь, синнад он судз. Но медся мусаыс - ичотик, абу синмö шыбитчана, татчöс морт кодь жö вежавидзысь - тайö менам чужан сиктöй, Мале грезд. Пуксьöма сийö Эжва юбокса шуйга берегö. Стрöйтчыöмаöсь йöзыс джуджыд ыб вылö, кысянь увлань видзöдигөн юрад воö мöвп, мый тэ ичотик лэбач, кодi кыпöдчöма чужан му весьтас да сьылö медся шуда сьыланкывсö. Öд став тайö сьölöм чепöльтана мичыс чуйдö мöвпавны, гижны кывбурьяс, серпасасыны, сьывны.

Со паськыд ыб шöрас небыдик тöвруысь копрасьöны виж синма катшасин дзоридзьяс, быттьö ыстöны чужанiнлы поклонгьяс. Со ыб боктыс чольöдчигтыр котöртöны кык шор, торъявласны да аддзысьласны, сэсся бара, быттьö ворсöны дзебсясьöмысь, а сэсся сывьясьöмон петöны Эжваö, мед писькöдчыны ыджыд олöмас. Жар луньясö ми юлывлам тайö шорсьыс кага синва кодь васö. Кагаылдöн синваыс öд мам йöv кöра на, нимкодь, мусаник... Мыссян вежа ванас, кодi сöстөм вöрса ключсянь котöртö татчö. Мыссьыштан, да быттьö садьман, заводитан казавны ыбыслысь уна гуся шы: чиркьяслысь тöчитчöм, мазiлысь ызгöм, матi вöрыслысь шувгöм, весиг ассьыд шызьöм ловшытö...

Коркö тайö ыб кузя котöртысь шорьяс моз жö ми петам ыджыд олöмö. Но аскöд босьтам бать-мамлысь да чой-воклысь радейтöмсö, Мале сиктса челядьлысь шуда серамсö, синмөн курыштан татчöс ыблысь чуймöдана серпассö. А ещö сьölöмын нуам ыджыд кöсийм - мед чужан сиктöй водзö на олiс да паськалiс.